



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

§. 7. Eventilantur Responsiones Adversarij ad nostra Argumenta.

urn:nbn:de:hbz:466:1-37144

ceptum, idque sibi Cajam ante finem vitæ in confessione aperuisse. Unde Berthulphus, ejusque tutores nolunt eum, ex fama jam publica spurium, ad hæreditatem paternam admittere; sed repugnant consanguinei defunctorum Caja. III. Cosmas & lucrum faceret, deliberatè asservit, quam plurimis audientibus, Cletum fuisse locum & adjutorem Clementis in expilanda Alphonsi mercatoris Hispani tabernâ, idque sibi à Clemente, antequam in Indiam discederet, in confessione fuisse detectum. Unde ædes Cleri excusæ, pars mercium inventa, & ipse in periculum suspendii conjectus est &c. Quid in ejusmodi facti contingentia agendum? Nemo illorum licentiam, quæ necessaria ad processum dicitur, potest à defuncto vel longius absente habere; & quia nemo etiam illorum est ipse pœnitens, qui confessus sit, nullus quoque eorum potest testibus aut Judici licentiam dare; ergo ne soli isti coguntur vi sigilli suam suorumque injuriam taciti perferrere? Executio Judicij publici, hoc est, ut Zœlius *in ff. de jud. publ. n. i.* exponit, persecutio, seu accusatio de publico delicto (quale etiam est violatio sigilli, utsup. ostendi) plerumque (seu ferè) cuivis de populo permitta est, §. 2. *Inff. eod.* nisi scil. quis lege quadam Judicio publico agere prohibetur. Quænam autem lex istos prohibet? si lex sigilli prohiberet, ea magis Confessarii sacrilegè & enormiter delinquentibus faveret, quam fidelibus sanctè pœnitentibus: quibus proin etiam Sacramentum Pœnitentiae, quod ob suam necessitatem omnibus deberet facere amabile, redderet contra primarium & unicum suum finem summè odiosum.

318. Ponamus autem itaq; & filius ad abrogandam defunctæ matris infamiam; posthumus ad participandam hæreditatem paternam, & Mævius ad tuendam suam vitam porrigit Judici Ecclesiastico querelam contra sacrilegum Confessarium, eumque accusat; Judex eundem citet & examinet de prolatō dicto; negantem convincat, & obruat integra testium nubes; fatentem verò, sed cum addito (ut in primis duobus casibus sufficeret potest) se quidem dixisse, sed male locutum esse, & ex confessione nihil scire, nihil audivisse, Judex condemnat mendacii perniciosi, & obligat ad compensanda damna; fateantur autem simpliciter (ut facere debet in tertio casu, saltem si ipsi non majus aut æquè magnum malum inde simendum sit) condemnat de sacrilega revelatione sigilli, & puniat, publicandoque sententiam moneat, vi sigilli teneri secularem Judicem; ut à processu contra Mævium desistat; Berthulphum ut posthumum ad hæreditatis partem admittat, & ut omnes de beneficio Titiae perperuum silentium observent. Atque jam judicet Lector, an & quid in hujusmodi processu Accusat or. Testes, Reus, aut Judex agat, quod argui jure possit peccati.

§. VII.

Eventilantur Responsiones Adversarii ad nostra Argumenta.

Argumenta, quæscripto ad P. Gobat transmisi, & partim *sup. §. 2. & 3.* proposui, sunt duplicitis generis. Priora illius opinionem impugnant, posteriora nostram defendunt. Ultraque exhibet ille in sepius

piùs cit. Append. à litt. D. Respondet quidem ad illa litt. BB. & seqq. sed non enervat, quem in iis *suprā* agnovit, nervum.

319. Ad primum primi generis *sup.* n. 284. propositum, responderet *cit. litt. BB.* et si Jurisdictio, seu potestas legislativa Ecclesiæ sit independens à voluntate subditorum, potestatem tamen vindicativam, quatenus exercenda est contra delictum publicum fracti sigilli, dependere unicè à voluntate pœnitentis, atque Christum, prout potuit, ita & reipla statuisse. Sed contra est, quod gratis afferatur, Christum ita reipsa statuisse; & *suprā* n. 303. & seqq. est contrarium ostendum. Autores allegati ajunt quidem sigillum ex voluntate & lege Christi esse prouersus inviolabile; sed nullus illorum dicit, Confessarium notoriè reum de revelato peccato, ex sola confessione noto, debere in Ecclesia manere impunitum, nisi pœnitens confitiat; nullus dicit per processum contra Confessarium sigillifragum institutum frangi sigillum &c. Vide plura *sup.* n. 284. & 291.

320. Ad secundum, & tertium, quorum illud *sup. n. 285.* & istud *n. 286.* habes, & utrumq; ductum est ex hoc, quod inde sequatur, notoriā revelationem peccati dealiquo v.g. defuncto debere necessariò manere impunitam; item malis Confessariis hoc modo per ipsam sigilli obligationem aperiri viam frangendi sigilli. Respondet Adversarius *litt. DD.* eodem fere modo. Concedit enim istas sequelas; sed negat eas pro absurdis habendas; quia Christus ita voluit, & statuit. Sed contra est, in primis, quia neque hic ad probandam istam assertionem quid-

quam assertur, & *sup.* jam refutata est. Deinde Christus voluit sigillum Sacramento Pœnitentia annexare, ut homines tantò securius tantòque libenteriū considererentur sua peccata cum omni integritate materiali, ad quam eos obligavit; hunc autem finem Christus non latè assequetur, si Confessarii peccata defunctorum revealentes non possent ab Ecclesia pœnis coerceri, ut considerant facili pater. Nam & Justinianus Imp. Nov. 133. cap. 4. nihil, inquit, quod sancitur, nisi custodiam habeat competentem, (informo etiam externo, de quo solo illi est firmo) poterit servari decenter. Præterea Sacramentum Pœnitentia, uti & alia sunt præstantissima bona Ecclesie, ergo Christus Ecclesiæ dedit potestatem persequendi omnes, qui eam in hujusmodi bonis, & fideles in eorum usu fuerint ausilidere. vide *sup. n. 293.*

321. Rei quidem suæ quilibet moderator est & arbiter. I. In re mandata, ii. Cod. Mandati. & voluntas primum locum obtinet, eaque regit conditiones. I. In conditionibus, 19. princ. ff. de condit. & demonst. Sed hæc de privatis personis circa res suas privatas disponentibus intelliguntur. Illi autem, qui communia præsumunt, debent respectum habere ad bonum publicum communitatis; & Christus pro infinita sua bonitate, ut Jugum suum in Lege Gratia suave reddieret, voluit in ordinanda Ecclesia respicere ad bonum commune Ecclesiæ, adeoque prout ad hoc conductit, obligationem sigilli statuere.

322. Nunc de Argumentis posterioris generis loquendo. I. refert Gobat *litt. H.* & I. Ego autem *sup.* prætermis-

li, non quia pro inefficaci, sed quia non necessario habui; ex parte tamen indicavi sup. n.292. Desumpsi illud ex eo, quod de licentia pœnitentis, siquidem necessaria esset, moraliter loquendo latè expressè constet, quando fama publica est, grave illius peccatum fuisse à Confessario revelatum; & ipse pœnitens adhuc in vivis est; saltem si non positivè repugnet, & expressè nolit. Quod autem moraliter loquendo latè expressè in his circumstantiis constet de licentia pœnitentis, dixi esse triplicem causam. 1. quia eam dare potest sine ullo suo incommodo; 2. quia eam magno suo bono dare potest propter securitatem inde omnimodam famæ extinctionem, & assurcationem ab omni incommodo, ratione relativi peccati alioqui timendo. 3. quia per se loquendo est graviter obligatus eam dare; cu n quilibet obligatus sit, si potest, præstare id, sine quo scandalum publicum, & gravissimum totius Ecclesiæ in bonis communibus damnum, ex publico delicto ortum, tolli non potest; ut hæc juxta adversarios non potest sine licentia pœnitentis. Inillis enim circumstantiis, in quibus aliquis sine suo incommodo, & cum magno suo bono potest quidpiam velle, & insuper tenetur id velle, moraliter loquendo latè expressè constat, quod re ipsa velit, nisi positivè aliud dicat. Et licentiam taliter à pœnitente datam sufficere ad agendum de peccatis ejus ex sola confessione notis docet Dicastillo Diffut. 12. de Pœnit. n.76. & consentit Gobat cit. cap. 42. n.193.

323. Displacet adversario hoc argumentum, & quæ in eo dicta sunt, ille litt. CC. nolim, inquit, ego. Sed audia-
R. P. Stoz Trib. Pœnit. Lib. II.

mus, quare? Potest enim fieri, ut peccatum sit revelatum in una domo parvi pagi coram paucis; vel ut non cedat pœnitenti in illum probrum; supplicium autem Confessarii in grave odium apud ejus amicos; vel ut Confessarius ipse sit pœnitenti proxima cognitione junctus; atque adeo ut pœnitens propterea maverit ferre suum peccatum innotuisse paucis, quam in Judicio tractari à multis, vel odium grave subire apud Confessarii amicos; vel sustinere potius proprii peccati infamiam, quam si iam ex supplicio proximi consanguinei in totam familiam redundantem; ergo non rectè dicitur, quod quilibet consentiat, multò minus quod quilibet teneatur consentire in processum contra Confessarium sigillifragum. Sed hæc Responsio planè non satisfacit argumento, quod procedit tantum in casu, in quo de pœnitentibus non constat, quod positivè aliud velint. Istaurarem de quibus Adversarius loquitur, qui vel processum, aut ipsum Rei supplicium putant sibi fore valde damnotum, hoc ipso positivè nolunt illum aut istud fieri. Pro quo casu, uti & si pœnitens nesciat, alicubi esse famam publicam de revelatione sui peccati, vel si jam sit mortuus, expressè in meo manuscripto apud Gobat cit. litt. I. dixi suppetere alia argumen-

ta. 324. Taceo, quod nec exempla ab adversario adducta sint satis idonea. Nam 1. fama etiam in parvo pago, ut sit publica, debet emanasse ad plures personas, quam ordinariè in Tribunalis Ecclesiastico convenient; saltem si testes excipias, qui de fama vel ipsa revelatione sibi jam antea notâ testantur; ergo non est, cur

Bb aliquis

aliquis magis infamiam in pago ferre, quam ad eam tollendam tribunal subire velit. 2. crima gravia, quæ hic ponuntur esse revelata, non possunt alicui non esse probrosa. Odium apud amicos sacrilegi Confessarii timendum non est, quia pœnitens non positivè & physicè, sed tantum negativè & moraliter loquendo exprimit in ejusmodi circumstantiis se dare licentiam; dum nimis in iis omittit positivè dicere, se nolle eam dare; habet quoque se hic prolus per accidens. 3. Etsi pœnitens proximum consanguineum, quiebus peccatum sacrilegè revelavit, non teneatur deferre ad Judicem, aut consensum præbere ad procedendum contra eum; adhuc tamen hæc Regula generalis, sicut aliae, à quibus unum aut plura excipiuntur, est vera: nempe quilibet debet, si potest, prestare id, sine quo publicum scandalum tolli, aut bonum publicum communitatisservari non potest. Nullus sanè Theologus hoc negat. Et quid si Confessarius revelet, quod ex complicis tantum confessione intellexit, grave v.g. furum vel homicidium à suo consanguineo patravum, & propterea inventis à magistratu indicis delicti iste rapiens sit ad furcam vel rotam; an potius volet tam infame supplicium subire, quam Confessarium ad Monasterium vel carcerem detrudi? an & ad id tenebitur? Quis Theologus hoc dicer? Addo, quod eti damnum, ex fractione sigilli ortum, non sit respectu unius vel alterius adeo magnum, ipsa tamen tam ampla impunitas sacrilegorum Confessiorum est tisi communati quam maximè damnosa, quam ut omnes studeant avertere, ratio

boni publici exigit, cui privatum postponi debet.

325. II. Quod proposui, *sup.n.291.* & refert Gobat *list. K.* petitum est ex natura legis naturalis, divinae, & humanæ obligantis ad sigillum. Nulla enim lex est in ullo jure, quæ cum actionem aliquam externam, bono communum summè damnosam, strictissimè pro omni casu, etiam cujusvis extremæ necessitatis, prohibeat; prohibeat tamen simul etiam eos, qui temerariè præsumplerint contra legem agere, puniri, vel non nisi dependenter à consensu privatuarum personarum, quæ illum post mortem & in plurimis aliis casibus dare non possunt; ergo nec lex Sigilli est talis; vel certè si talis esset, foret hoc ipso illa sibi contraria. Repugnaret enim suæ obligationi, neque iam strictissimè obligarer; quia simul vellet, ut in foro externo impunè posset violari.

Fatetur adversarius, *list. KK.* obligationem sigilli ex hac parte nonnulli debilitari, sed id compensari omnimodam inviolabilitate, & esse per accidens; sicut igni, quod consumptione materiæ & alio, quod reactione alimenti debilitetur & pereat. At ecce! ipso Adversario teste, nostra sententia obligationem sigilli non relaxat, sed magis, quam contraria, adstringit; quia præter omnimodam inviolabilitatem, quam admittit, non concedit violentibus impunitatem. Deinde impunitas hæc juxta Adversarium oritur ex ipsa natura & obligatione legis, desigillo præcipientis, ut in omnibus casibus, etiam notoriis, si pœnitentis licentia haberinon possit, relinquantur violatores impunè.

impuniti; ergo se non habet tantum per accidens. Exempla Physica sunt extra genus scientiae moralis contra commune axioma, secundum quod scientiae genus non est mutandum. Præterquam quod defectus materiae non ab igne sed ab alio agente quo eam subministrare deberet, proveniat; nec reæctio procedat ab homine in seipsum, sed ab alimento, quod sumit; impunitas autem atque adeo etiam violandi sigillum pronitas proveniat ab ipsa lege sigilli, quæ prohibet ejus violationem. Ex moralibus nullum adfert Gobat exemplum; quia non vult, ut ait, *actum agere*; quod meo judicio planè aliquis faceret, si exemplum similis legis quereret. Ego enim existimo, nullum posse inveniri. Datur quidem lex civilis, quæ prohibeat puniri patrem aut maritum, si ille adulterum cum sua filia l. 20. & seqq. ff. Ad L. Julianum de adult. & iste adulterum suæ occidat uxoris. l. 24. ff. eod. & l. 4. Cod. eod. & Nov. 117. cap. 15. sed nulla harum legum homicidium ejusmodi, quod impunè permittit, simul etiam prohibet, & si hoc faceret, haberetur sane non immerito ab omnibus pro heterocli- ta, & sibi contraria.

326. III. Et fundamentale, quod *sup. n. 293.* descripsi, & apud Gobat *litt. L.* habetur, est desumptum à Regimine Ecclesiæ, quod, quia Christus instituit, pro infinita sua sapientia plenè & perfec- tè ordinavit, ergo & potestatem Ecclesiæ concessit, quâ se, sua bona, & fideles tueri, publicaque delicta subditorum, maximè si sint notoria & toti communitati gravissimè damnoosa (uti etiam est violatio sigilli per revelationem certi pec- cati de certa persona) possit liberè, &

independenter à consensu unius tantum alicuius privatihominis, in foro externo per publicum Judicium pœnamque con- dignam coercere. Præbuit fortassis hoc argumentum Adversario occasionem, ut pro sua sententia stabilienda tandem con- fugerit ad institutionem Christi, quasi ille voluerit sigilli obligationem esse talē, ut vi illius non possint sacrilegi Confessarii puniri sine consensu pœnitentis. In prioribus enim editionibus nullam unquam fecit de hoc effugio mentionem, quo ta- men jam velut unico principio utitur, ex cōque iterum.

Respondet. Christum non dedisse Ec- clesiæ potestatem, ut sine consensu pœ- nitentis possit contra Confessarium, sa- crilegè ejus peccata revelantem, judicia- liter procedere. Addit pro confirmatio- ne. Ecclesia non potest punire summum Pontificem summè scandalosum, imò & hæreticum teste Bellarm. l. 2. de Concil. cap. 18. Nec potest facere, ut cuim invita puella matrimonium validè contrahatur, et si ab isto totius alicuius Regni salus pen- deat; ergo nihil inconveniens est, si dicatur, quod Christus etiam non dederit po- testam sine consensu pœnitentis contra Sa- crilegium Confessarium procedendi.

327. Sed in primis constat ex supra di- catis, datam esse Ecclesiæ à Christo uni- versalem potestatem in foro etiam exter- no publica suorum subditorum delicta li- bere puniendi; ergo qui delictum violati sigilli putat esse excipiendum, debet id non simpliciter asserere, sed solido a- liquo fundamento probare. Deinde ra- tiones hucusque allatae satis demonstrant, Christum non voluisse obligationem si- gilli esse talē, ut vi illius debeat Con- fessa-

fessarii, qui id violent, relinqui ut plurimum impuniti.

328. Quod in confirmationem adducitur, nihil urget. Nam in primis quanta est inter summum Pontificem, & alios Ecclesiæ subjectos fideles disparitas? quanta item inter Sacra menta & delinquentium punitionem in foro externo? ergo quod Ecclesia non habeat potestatem puniendi delicta summi Pontificis, nec potestatem mutandi essentiales partes Sacramentorum, nemo inde reget inferet, etiam non habere potestatem in foro externo liberè puniendi sigillifragos Confessarios libi subjectos?

329. Deinde Argumentum nostrum fundatur in hoc, quod Christus dederit Ecclesia illam potestatem, quæ ipse est necessaria, ut, more aliarum communitatum possit se, sua, & suos sufficienter tueri & regere; atqui ad hoc est necessaria potestas liberè puniendi in foro etiam externo delicta subditorum, maximè si sint publica, notoria, toti communitati summe noxia, inter quæ etiam præcipue numeranda est sacrilega certi peccati de certa persona revelatio. Contra potestas materiam aut formam Sacramentorum, quo modo Christus eas determinavit, mutandi; aut puniendi delicta summi Pontificis, non est Ecclesia ad sui gubernationem necessaria. Non prior, quia ipse Christus pro infinita sua sapientia & bonitate Sacramentalem materiam & formam ita determinavit, ut nulla substantiali mutatione indigeant. Non posterior, quia ipse quoque Christus speciali sua providentia & Spiritu Sancti assistentiâ regit suum Vicarium, summum Pontificem. *Matth. 16. Luc. 22.*

ut iste, licet possit vitiis esse obnoxius, sicut quisvis alius privatus homo, nunquam tamen possit publico decreto statuere, quod bonis moribus aut sanctæ fidei effet contrarium, de quo fusè Barb. *in can. si Papa 6. Disf. 40.* ergo necesse non est, ut etiam Ecclesia in illum habeat aliquam potestatem Jurisdictionalem. Ad hæc, nulla est necessitas, nec convenit, ut Regnum, maximè cum nihil habet potestatis in Regem, habeat aliquam Jurisdictionem in supremum Regis Vicarium, qui omnem suam potestatem ab ipso Rege; eoque solo accepit; ergo multè minus necesse est, aut convenit, ut Ecclesia, quæ est Regnum Christi æterni Regis habeat aliquid Juris & Jurisdictionis in summum Pontificem supremum Christi Vicarium, cui omnis potestas & autoritas, quam in Ecclesiæ habet, immediate ab ipso Christo attributa est. Dicere autem, quod DEUS etiam specialiter provisurus sit, ne ex impunitiblitate Sacrilegorum Confessariorum oriuntur gravia mala in Ecclesia, nihil est aliud, quam contra illud *Rom. 13.* ordinem divinæ sapientiæ invertere, quæ non solet omnia æquæ ac immediate per se præstare, sed infima per media in supraducere. Extrav. *Unam. i. de Maj. & Obed.*

330. Denique quid multis? quod supra potestas Ecclesiastica à solo DEO & non ab homine possit judicari, habet clatus textus cit. *Extrav.* nisi deprehendatur à fide devius. *can. si Papa.* plurimique alii, quorum aliquos etiam refert Bellarm. *1.2. de Concil. cap. 17.* Item unanimis est consensus Theologorum, quod Ecclesia, sicut non potest Sacra menta insti-

instituere; ita nec possit substantialiter aliam Sacramentorum materiam aut formam, quām Christus assignavit, substituere; nullum autem simile fundamentum habemus, propter quod dicamus, Sacilegos & Ecclesiæ subditos Confessarios nunquam posse ab ea judicari & puniri, nisi penitens velit & consentiat.

331. Quamvis autem summus Pontifex non iubet Ecclesiæ, nihilominus tamen Bellarm. l.c. cap. 19. v. At inquit, ita scribit, &c.: si Pontifex, inquit, Ecclesiæ destruere velit, (quod etiam fieret, si Sacraenta, fidelibus lumine necessaria, redderet odiosa, eosdem ab iis eorumque usu absterreret, &c.) licet (Ecclesiæ) eum servatâ debitâ reverentia admonere, & modestè corripere; repugnare etiam vi & armis. Ad resistendum enim, & vim vi repellendam, non requiritur ulla (Jurisdictionis) auctoritas; hoc autem quod licet Ecclesiæ contra summum Pontificem, non licet ei juxta Adversarios contra subjectum Confessarium sacrilegâ sigilli violatione atrox & enorme damnum inferentem Ecclesiæ. Quæ æquitati planè non satî consonant.

Ad alia Argumenta sup. §. 2. & 3. pro-

posita nihil respondit Gobat, quiâ ad eum ante obitum non per venerunt.

Ea porro, quæ in isto & præcedentibus §§. habentur, nullatenus scripsi, ut de celebri nomine, in his partibus nominatissimi Autoris, viri optimi, qui que de te morali præclarissimè meritus, mihiq[ue] singulariter fuit semper maximè observandus, vel in minimo quidquam decerpere; sed unicè tantum, ut ejus voluntati non minus post mortem, quām dum viveret, studiosè obsecundarem, &c., quod desiderabat, in Quæstione tanti momenti aliquid ad elucidandam veritatem conferrem; simulque redderem tam Pœnitentes in integritate confessionis securos, quām Confessarios in sigilli custodia sollicitos.

Atque ita finio cum ardentissimo voto, ut in sancto TRIBUNALI POENITENTIAE nihil unquam à Judice, nihil unquam à Reo committatur, cuius alterutrum meritò penitere debeat; sed omnia semper ritè sancteque peragantur, sicut & scripta sunt, ad æternam animarum salutem & majorem DEI Deiparaque, piissimæ nostrorum omnium coronam Tribunal Divino Advocatae honorem & gloriam.

APPENDIX.

QUÆSTIO TRIPARTITA.

De danda vel neganda facultate absolvendi à casu aliquo reservato.

Paucis Difficultatem istam attigi in posteriore hoc Libro q. 2. art. 3. n. 74. v. Tenetur. Videtur autem omnino declarationem exigere ma-

B b 3

rem.